

Transkription von Urkunde PAR 1454a

Ort, Datierung: Parchim, 1454-03-17

Signatur: Landeshauptarchiv Schwerin, städtisch, ACS 96

Inhalt: Verkaufsurkunde

[I]k Ber(e)nd Roer de öldere wonaftich tom Nyenhûs Bekenne vnde betughe apembâr vor alzweme dâr desse yeghenwardighe bref[f] / kumpt dat ik sculdich bin van rechter witliker scult den ersame(n) Egeherd hornema(n)ne Radmanne to parchem vor Elzeben siner eel[iken] / husurowen vnde eren eruen Druttich lub(esche) marck penni(n)ghe alze am lande to wenden gheue vnde gheue sin Dâr vor hebbe ik / [...] vorzettet vnde vorlaten yeghe(n)wardighen vor kope vorzette vnde vorlate in craft desses breues my(n) deel . an holte to der s[...] / [...] sik zo brukelke(n) brûke(n) moghe(n) mit aller nûtticheyt eghendoem vnde rechticheyt mit der mast alze mine oldere(n) vôr [...] / [...] des alder vryest ghe bruket hebbe to erer behûff ûtghename(n) dat Eggherd hornema(n) sine husurowe edder ere erûe[n ...] / [...] holt ût dem zulue(n) holte vorkopen edder vorgheue(n) scolten Desses holtes mit siner tobehoringhe scal ik vnde wil mit [...] / [...]en vnde eren erue(n) ene gantze were wesen vnde entfigen en de vor alle ansprake gheestlik vn(de) werlik vor alle de vor [...] / [...] wille(n) recht neme(n) vnde gheue(n) willen De brukinghe desses holtes alze vorscreu(en) ys mach hórnama(n) sine husurowe edder [...] / [...] vórt an vorzette(n) vorkopen vorgheue(n) edder vorpande(n) v(m)me den vorschreu(en)en su(m)me(n)n vnde weme zee dat vorzette(n) vorkopen / [vorgheuen] edder vorpanden . edder de desse(n) breff hebbe(n) mit eren willen dem schal . hee zo hulpelik vnde nûtte sin eft het em to sca[...] / [...] vru(n)scop wille(n) zo hebbe(n) zee my vnde mine(n) erue(n) den wedd[erkop] ghe gheue(n) an desser wise wan ik edder mine erue(n) en edder [...] / [...] erue(n) edder dem holdere desses breues dat vorkundighe [... vppe] sunte Michaelis daghe vnde in den vêrhillic[en] / [dag]hen to wijnachte(n) denne neghest kome(n)de redelken to dancke vppe to der nûghe gheue(n) Druttich lub(esche) scrake(n)mark penni(n)ghe / denne binne(n) parchem best ghênghe vnde gheue sin So schal my vnde mine(n) erue(n) desset holt vnde de brúkinghe wedder quyt / [led]ich vnde loes sin Vnde gheue ouer vor mý vnde mine erue(n) alle stucke vnde artikele ghoestlikes vnde werlikes rechtes vnd(e) / andere Invindinghe mit wórd(en) edder mit Baden dâr me desse Breff mede breken edder krencke(n) mochte an enem(e) [...] / [...] am gantzen vnde hebbe des to tughe my(n) Inghezeg(el) vnde ik ju(n)ghe Ber(e)nd Roer to wille(n) vnde witlicheyt ock my(n) In[ghenzege]l / ock henghe(n) late(n) vor desse(n) breff Na der bôrt cristi vnses here(n) vêrvndeveftigheste(n) Jare [ame] / [dag]he sunte Ghertrudis der hillig(e)n Jungvruwen .